

**Rosa Ana Prada Queipo, secretaria do Concello de Ames (A Coruña)**

**Certifico:** Que a Xunta de Goberno Local, na súa sesión ordinaria celebrada o día 26 de abril de 2018, adoptou entre outros, o acordo que copiado é do teor literal seguinte:

**“PUNTO TERCEIRO.- 2ª CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA A ADXUDICACIÓN DO SERVIZO DE VIXILANCIA, SOCORRISMO E PRIMEIROS AUXILIOS NA PRAIA FLUVIAL DE TAPIA E NAS PISCINAS DESCUBERTAS DE TITULARIDADE MUNICIPAL.**

Con data 22 de marzo de 2018 a Xunta de Goberno Local acordou a clasificación de ofertas e requirimento de presentación de documentación para a adxudicación do Servizo de Vixilancia, Socorrismo e Primeiros Auxilios na Praia Fluvial de Tapia e nas Piscinas de Titularidade Municipal sendo notificado este acordo aos licitadores participantes no procedemento de licitación.

A empresa clasificada en primeiro lugar, Galicia Eventos y Ocio S.L., presentou no rexistro xeral o día 16 de abril de 2018, con número 000/2750, a documentación requirida para proceder á adxudicación definitiva.

Na reunión da Mesa de Contratación celebrada o 17 de abril de 2018 para a valoración da documentación presentada polo licitador clasificado en primeiro lugar, acordouse, por unanimidade dos membros presentes, propoñer a exclusión da empresa Galicia Eventos y Ocio S.L debido a que o obxecto social da empresa non garda relación co obxecto do contrato, e que da documentación aportada para xustificar tanto a solvencia económica e financeira, técnica e profesional, non se considera suficiente e adecuada para a súa acreditación, ademais do incumprimento de aportar certificacións negativas do Rexistro Central de Delincuentes Sexuais e acreditación das titulacións e da experiencia dos traballadores asignados a prestación do servizo.

En base ao anterior, e ao conxunto de antecedentes que figuran no expediente, a Xunta de Goberno Local por unanimidade dos seus membros presentes, previa delegación da Alcaldía (decreto 481/2016), adopta os seguintes acordos:

**Primeiro.- Excluir do procedemento de licitación** do servizo de Vixilancia, Socorrismo e Primeiros Auxilios na Praia Fluvial de Tapia e nas Piscinas de Titularidade Municipal de á empresa **Galicia Eventos y Ocio S.L**, CIF B-70517883, polos motivos e razoamentos anteriormente expostos.

**Segundo.-** Proceder á devolución do aval bancario presentado pola empresa Galicia Eventos y Ocio SL, por importe de 7.500 €uros, así como o reintegro do importe de 711,29 €uros en concepto de gastos de publicación de anuncios de licitación, para o cal deberá presentar unha certificación bancaria do número de conta na que se efectuará a devolución dos gastos de publicación.

**Terceiro.- Clasificar, por orde decrecente de puntuación,** ás restantes empresas participantes no procedemento de licitación coa seguinte orde:

EMPRESA	PUNTUACIÓN TOTAL
SERVIPLUSTOTAL S.L.	26,03
EULEN, S.A.	24,19
EBONE SERVICIOS EDUCACIÓN DEPORTE, S.L.	23,34

SALZILLO SERVICIOS INTEGRALES S.L.U.	14,05
A BILLARDA S.L.	8,18
ESPROADE S.L.	4,74

**Cuarto.-** Declarar que as características esenciais da licitación para o licitador clasificado en primeiro lugar, Serviplus total, S.L., con CIF B-70019294 son as seguintes:

a) Prezo. A oferta do licitador é a seguinte:

EMPRESA	CIF	OFERTA ECONÓMICA	IVE	IMPORTE TOTAL DA OFERTA
SERVIPLUSTOTAL S.L	B-70019294	150.800,00 €	31.668,00 €	182.468,00 €

### **Quinto.- Duración do Contrato**

A duración inicial do contrato será de **DOUS ANOS** podendo prorrogarse anualmente ata un máximo de CATRO ANOS (incluído período inicial e prórrogas).

A prestación do servizo será de 3 meses, desenvolvéndose entre o 15 de xuño e o 15 de setembro do ano en curso (ambos inclusive)

As prórrogas serán obrigatorias para o adxudicatario.

Excepcionalmente, poderase admitir unha execución forzosa do contrato, cando, unha vez extinguida a duración total do mesmo, non conclúese o procedemento para proceder a unha nova adxudicación. Esta execución forzosa acordarase polo órgano de contratación, e será obrigatoria para o empresario, sen que pida producirse polo consentimento tácito das partes. Neste caso, as condicións do contrato permanecerán inalterables durante o período de duración da execución forzosa.

**Sexto.- Resto de condicións.** O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

No prazo de **dez días hábiles** a contar dende o seguinte a aquel en que recibise o requirimento, o licitador clasificado en primeiro lugar deberá presentar a seguinte documentación imprescindible para, de ser o caso, proceder á correspondente adxudicación:

#### A) Documento acreditativo da personalidade xurídica do empresario/entidade:

A-1) Empresario individual: fotocopia do NIF, pasaporte ou documento que o substitúa.

A-2) Persoas xurídicas:

- Fotocopia da escritura de constitución ou modificación no seu caso, inscrita no Rexistro Mercantil, cando este requisito fose esixible conforme á lexislación mercantil que lle sexa aplicable.

Se non o fora, escritura ou documento de constitución, de modificación, estatutos ou acto fundacional, no que conste as normas polas que se regula a súa actividade, inscritos, no seu caso no correspondente rexistro oficial.

No caso de asociacións bastará coa acta de constitución dos asociados. Tratándose de sociedades civís, acreditarase co contrato no que consten os acordos privados das partes.

- Fotocopia da tarxeta de código de identificación fiscal (CIF), debidamente compulsada.

A-3) Empresas non españolas de Estados membros da Unión Europea

A capacidade de obrar das empresas non españolas de estados membros da Unión Europea acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou un certificado, nos termos que se establezan regulamentariamente, de acordo coas disposicións comunitarias de aplicación.

A.4) Empresas non españolas de estados signatarios do Acordo sobre o Espazo Económico Europeo (Islandia, Liechtenstein e Noruega)

A capacidade de obrar destas empresas acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou dun certificado, nos termos que se establezan regulamentariamente, de acordo coas disposicións comunitarias de aplicación (disposición adicional 14 TRLCSP).

A-5) Demais empresas estranxeiras

- Os demais empresarios estranxeiros deberán acreditar a súa capacidade de obrar cun informe da Misión Diplomática Permanente de España no Estado correspondente ou da oficina consular en cuxo ámbito territorial radique o domicilio da empresa.

- Informe de reciprocidade: as persoas físicas ou xurídicas de estados non pertencentes á Unión Europea deberán xustificar mediante un informe expedido pola Misión Diplomática Permanente Española, na que se faga constar que o Estado de procedencia da empresa admite á súa vez a participación de empresas españolas na contratación coa Administración en forma substancialmente análoga.

A-6) Disposición común a empresas estranxeiras (comunitarias ou non comunitarias): declaración de sometemento á xurisdición de tribunais e xulgados españois.

As empresas estranxeiras deberán presentar unha declaración de sometemento á xurisdición dos tribunais e xulgados españois de calquera orde, para todas as incidencias que de modo directo ou indirecto puidesen xurdir do contrato, con renuncia no seu caso, ao foro xurisdiccional estranxeiro que puidese corresponder ao licitante (art. 146.1.e da TRLCSP)

A-7) Empresas estranxeiras non comunitarias: sucursal en España

De acordo co art. 55.2 da TRLCSP, non se esixe dado que non se trata dun contrato de obras.

A-8) Imposto de Actividades Económicas

O empresario/entidade adxudicatario deberá achegar fotocopia do último recibo do Imposto sobre Actividades Económicas ou o documento de alta no mesmo, cando esta sexa recente e non xurdise aínda a obriga de pago. O alta deberá achegarse, en todo caso, cando no recibo achegado non conste o epígrafe da actividade. Esta documentación estará referida ao epígrafe correspondente ao obxecto do contrato que lles faculte para o seu exercicio no ámbito territorial en que as exercen, debendo complementarse cunha declaración responsable do licitador de non darse de baixa na matrícula do citado Imposto.

## B) Poderes

Cando o licitador non actúe en nome propio ou se trate de sociedade ou persoa xurídica, deberá acompañarse dun poder notarial ou bastanteo de poderes polo/a secretario/a da Corporación ou funcionario/a habilitado/a, para representar á persoa ou á entidade en cuxo nome concorre ante a administración contratante.

O poder deberá figurar inscrito previamente no Rexistro Mercantil nos casos en que dita inscrición sexa esixida polo Regulamento do Rexistro Mercantil.

## C) Acreditación da clasificación

Ao tratarse dun contrato de servizos, non se require clasificación.

D) Acreditación de solvencia económica e financeira e solvencia técnica

Os licitadores deberán:

1. - Acreditar a solvencia económica e financeira por calquera dos medios a que se refire a 10.3. deste prego.
2. - Acreditar a solvencia técnica mediante calquera dos medios a que se refire a 10.3. deste prego.

E) Unións Temporais de empresas

Indicación dos nomes e circunstancias das empresas que a constitúen, participación de cada unha delas e compromiso de constituírse formalmente en UTE no caso de resultar adxudicatarias, de conformidade co artigo 59 da TRLCSP e cláusula 10 do presente prego.

F) Declaración de empresas vinculadas

No suposto de que a empresa concorra á licitación con empresas pertencentes a un mesmo grupo, nos termos a que se refire o art. 145 da TRLCSP, presentárase necesariamente unha declaración indicando esta circunstancia e o nome ou denominación social destas, debendo constar este documento en cada unha das ofertas formuladas por todas as empresas vinculadas que concorran á licitación

G) Rexistro oficial de licitadores e empresas clasificadas do Estado ou das Comunidades Autónomas e rexistro voluntario de documentación de empresas contratistas da Deputación da Coruña:

Os licitadores poderán indicar o rexistro no que estean inscritas, acompañando a correspondente certificación onde se recollan os puntos aos que se refire o artigo 328 do TRCLSP, en cuxo caso estarán dispensados de presentar os datos que figuren inscritos, sen prexuízo de que a Administración poida solicitar aqueles datos ou documentos que estime necesarios a fin de verificar ou comprobar a súa exactitude ou vixencia.

Con todo, aquelas empresas que con carácter voluntario figuren inscritas no Rexistro de documentación de empresas contratistas da Deputación Provincial da Coruña ou Rexistro/s similares, acompañarán unha copia do informe relativo aos datos inscritos ou simple referencia ao número de inscrición no Rexistro e, en consecuencia, as empresas que figuren inscritas no Rexistro de Contratistas da Deputación Provincial da Coruña (Ordenanza reguladora do rexistro de documentación de empresas contratistas da Deputación Provincial da Coruña, do rexistro de contratos e do rexistro de convenios, publicada no BOP nº 64 con data do 20 de marzo de 1998) quedarán dispensadas de presentar os documentos referidos nos apartados A), B), C), D), E) e F), sempre que os citados documentos estean vixentes.

H) Certificado de atoparse ao corrente coa Seguridade Social

I) Certificado de atoparse ao corrente das súas obrigas tributarias co Estado

M) Seguro de Responsabilidade Civil

Deberá achegarse unha copia do contrato de seguro de responsabilidade civil cunha cobertura mínima de seiscientos mil Euros (600.000 Euros), que cubra a totalidade dos posibles danos persoais e/ou materiais directos ou indirectos a terceiros ou bens que se poidan causar durante a execución do contrato.

N) Xustificante de ter constituída garantía definitiva

Deberá achegarse xustificante de ter constituída unha garantía definitiva por un importe de 7.540,00 euros (5% do importe de adxudicación excluído o imposto sobre o valor engadido)

OFERTA ECONÓMICA	5 % IMPORTE DA ADXUDICACIÓN
150.800,00 €	7.540,00 €

Esta garantía poderá presentarse nalgunha das formas previstas no artigo 96 do TRLCSP.

O) Xustificante de ter aboado os gastos dos anuncios

Deberá abonar o importe de 711,29 euros en concepto de publicación Anuncio de licitación en BOE.

Publicación	Data	Importe
BOE	27/01/18	711,29

P) Certificación negativa do Rexistro Central de Delincuentes Sexuais daqueles/as traballadores que vaian a prestar o servizo.

R) Acreditación da titulación e da experiencia daqueles/as traballadores que vaian a prestar o servizo.

**Sétimo.-** Facultar ao señor alcalde, para cantas actuacións sexan precisas para a mellor execución do acordado."

E para que conste, aos efectos oportunos, expido a presente co visto e praxe do señor alcalde en Ames, a vinte e seis de abril de 2018, e coa advertencia de que non foi aprobada aínda a acta da sesión correspondente.

Vº e praxe  
O alcalde  
José M. Miñones Conde

A secretaria